

香官使者左右龍虎君侍香諸靈官當令
向來設醮之所自然生金液丹碧芝英百靈
衆真交會在此香火爐前當願十方仙童玉
女接待蘭烟傳臣向來所啓之誠速達徑御
至真無極大道

昊天玉皇上帝御前

送聖 焚燎

道門科範大全集卷之四十七

道門科範大全集卷之四十八

廣成先生杜元庭制定

運星醮啓祝儀

靜夜陞壇

法事如式

具位上啓

十一大曜星君十二官尊神其本命星官大
聖黑符星真君合座衆聖伏望聖慈俯從凡
願以今奉爲入意切以清氣爲天布日月星
辰之像濁氣爲地列女男禽獸之姿日月薄
蝕則天下靡寧男女構宅則高穹所繫人達
禍福星實綱維非託薰修安能上告其災星
在運憂患頻臨敬推中赤之誠虔叩玄黃之
曜冥心稽首感天心惠愛於凡情香篆凌空
祈帝德消除於厄會災衰度脫福壽昌隆自
天祐之德施溥也但其下情不任虔祝之至

次引醮官逐位行香 告星

日宮

具位上啓

日宮太陽帝君宮下仙衆伏以日輝盛大主

太陽宮居星爲衆象之尊主世照萬生之命
形蒐天地掌握陰陽金烏晝夜之巡行蒼昊
主司於善惡每承運照寔荷生成謹備香燈
廣伸廣奉伏冀分輝照耀暗察衰危希紀筭
以堅強望福祿而增廣願依丹悃永荷洪恩
爰有祝文謹當宣奏伏乞

太陽真君呪

東望扶桑宮 稽首朝鬱儀 太陽洞明景
寥寥何所思 令我拜金色 候天望英姿
皇華將玉女 臨軒降此時

月宮

具位上啓

月宮太陰皇君侍從仙衆伏以月宮至聖紫
光上真主北極之陰關掌人身之右魄巡遊
不住輝照無窮明分短長顯示善惡動靜實
由於斟酌舒張全繫於行方致吉凶而有缺
有圓降禍福之無差無忒今則特伸丹禱願
賜鑒觀遵太上之真符赦生靈之罪咎俾醮
主某福如滄海壽等椿松災害不生尊卑寧
謐願依凡悃不負

天庥所有祝文謹當宣奏符次宣

太陰真君呪

仰望顧八表 惟月孕陰精 中有大素皇
夫人駕綠軒 曜華光二極 混明照三清
懇懃求志道 五色下來迎

木星

具位上啓

木星重華真君侍從仙衆伏以東極宮中歲
星聚貴青陽應號木德司方掌善惡於人間
示吉凶於天表三炁乃春之一季福曜則臨
照於十方益筭增年延祥介福今則特伸丹
悃願賜鑒觀遵太上之真符赦生靈之罪咎
俾醮主其福如滄海壽等乾坤災害不生專
卑寧謐願依凡悃不負

天庥所有祝文謹當宣奏符次宣

木德星君呪

歲星乘木德 展轉耀東鄉 凌天姿潤澤
正色澁明皇 尋華歌浩漾 擲水詠芝房
經時頻禱祝 獲福自然長

火星

具位上啓

火星執法真君侍從仙衆伏以聖化威嚴性
情急速王炁正夏中之三月變通巡人間之
九圍傾光可燭聰明回福易逢亨泰今則特
伸丹禱願賜鑒觀遵太上之真符赦生靈之
罪咎俾醮主其福如河海壽等松椿災害不
生尊卑寧謐願依丹悃不負

天庥所有祝文謹當宣奏符次宣

大德星君呪

芒角森龍鳳 威光叱十方 丹罡耀午夜
朱火焰三邊 晶明符正炁 劍戟煥兵權
攬捨應滅跡 字慧敢當前

金星

具位上啓

金星天皓真君侍從仙衆伏以少皞司方主
金門之造化太白掌運號素老之靈藏玉露
三秋方分西兌大哉至道難可披宣照人而
財祿潛臻入垣乃官爵品正仰之則增延壽
杜叩之則消解災殃今則所伸丹悃願賜鑒
觀遵太上之真符赦生靈之罪咎俾醮主其

福如江海壽等松椿災害不生尊卑康泰願
依凡悃不負

天庥所有祝文謹當宣奏符次宣

金德星君呪

太白凌清漢 騰霜耀素英 亭亭浮瑞彩
皎皎威長庚 鋒高能禦寇 色潤每降兵
推窮符曆數 合道與長生

水星

具位上啓

水星同辰真君侍從仙衆伏以五行至要水
德為先王炁正冬主張河海性柔態善潤澤
生人月合而官祿非常正照乃壽福永固仰
瞻聖佑得遂安寧每虧虔罄之心常謬愚迷
之性今則所伸丹禱願賜鑒觀遵太上之真
符赦生靈之罪咎俾醮主其福如河海壽等
乾坤災害不生尊卑寧謐願依凡悃不負
天庥所有祝文謹當宣奏符次宣

水德星君呪

妙哉符五炁 彷彿見真門 嶮峨當五位
士發洞靈君 分輝凝皎潔 彤響赴思存

仙歌將舞蹈 良久下金天

土星

具位上啓

土星地暎真君侍從仙衆伏以中皇最尊五
星為首四季朝於上帝統御萬靈十方照於

下民巡環衆類嚴嚴衆教至聖至尊遇之則

有災殃禱之則亦臻安吉今則所伸丹禱願

賜鑒觀遵太上之真符赦生靈之罪咎俾醮

主其福如江海壽等松椿災害不生尊卑康

泰願依凡悃不負

天庥所有祝文謹當宣奏符次宣

土德星君呪

高穹符戊巳 藏陸起重霄 五行尊暗曜

九土見光昭 甘石推留伏 陶巫算次寥

上仙垂雨露 伏地禮空謠

羅睺星

具位上啓

羅睺星真君侍從仙衆伏以威德最嚴羅睺

大聖一十二宮之輪照十二分野之流行占

財帛則散遺在祖業亡積聚凡逢臨照足有

威權每至魁罡多生屯難今則所伸丹禱願

賜鑒觀遵太上之真符赦生靈之罪咎俾醮

主其福如江海壽等松椿災害不生尊卑康

泰俯從凡悃不負

天庥所有祝文謹當宣奏符次宣

羅睺星君呪

神首循黑道 冥冥超至靈 暗明期朔望

陽德晦陰精 高鎮黃播闕 矛戟耀霜鈴

志心伺多福 稽首諷真經

計都星

具位上啓

計都星君侍從仙衆伏以昭昭在上照天下

之無窮蠶蠹下凡沐靈光之有自深慮運達

窺盼災數當躔非仗

元功無由解免今則所伸丹禱願賜鑒觀遵

太上之真符赦生靈之罪咎俾醮主其福如

江海壽等松椿災害不生尊卑康泰俯從凡

悃不負

天庥所有祝文謹當宣奏符次宣

計都星君呪

處暗表陰德 豹尾鎮星宮 怒指摧山嶽

權雄瞑太空 龍蛇生怪狀 變異忽昏濛

主人長壽樂 穰應在恪恭

天一星

具位上啓

天一紫炁道星真君侍從仙衆伏以天有道

星名分道炁至尊最貴為聖極靈臨人則福

祿榮昌照命乃遷官加職輝華莫測王相無

窮今則所伸丹禱願賜鑒觀遵太上之真符

赦生靈之罪咎俾醮主其福如江海壽等松

椿災害不生尊卑康泰俯從下悃不負

天庥所有祝文謹當宣奏符次宣

紫炁星君呪

授制宗元帝 含精耀紫微 陰陽乘運極

幽顯闔靈機 玉輿登廣漢 金鈴布斗飛

四宿循周度 九土尊天威

太一星

具位上啓

太一月字孛星真君侍從仙衆伏以月字至

聖暗曜星辰稟性尊嚴威風顯赫禍福悉由

於掌握短長實系於秉持每賴照臨莫諧解
謝今則所伸丹禱願賜鑒觀遵太上之真符
赦生靈之罪咎俾醮主恭福如江海壽等松
椿災害不生尊卑寧謐願依凡悃不負
天麻所有祝文謹當宣奏火宣符呪

月孛星君呪

太陰光玉緯 精魄育羣生 青桂黃華輔
鬱羅保素靈 毛頭分怪狀 慧尾或潛經
舍次流災福 齋脩洞香冥

黑符星

具位上啓

大聖黑符星真君伏以天上創星人間威曜
揚阜播而行天無影照赤子而動靜有災命
運偶逢屯危必至今則所伸丹禱願賜鑒觀
遵太上之真符赦生靈之罪咎俾醮主恭福
如巨海壽等乾坤災害不生尊卑康泰願依
凡悃不負

天麻所有祝文謹當宣奏火宣符

本命星

具位上啓

本命星官伏以建生星斗主持人命之降生
本命元辰宰理衆生之性命五體悉由於主
掌三災咸賴於權衡當投解謝之門庶保長
延之壽今則所伸丹禱願賜鑒觀遵太上之
真科普赦生靈之罪咎俾醮主恭福如江海
壽等松椿災害不生尊卑康泰願依凡悃不
負

天麻所有祝文謹當宣奏火宣符呪

本命呪

本命尊威赫 元辰位豹官 三元分品秩
六十衛躔躬 仙吏俾神化 真官亦治功
人倫無貴賤 終始賴含洪

宣疏

向來祭星功德已遂周圓專伸回奉
十一大曜星君大聖黑符星日本命星君統
年災福星像伏冀
福星長照威曜韜光變禍為祥改災作福一
十二宮之分野盡賜良麻二十八宿之靈光
帝垂座祐身官清淨出處康寧普畢此生永
依

大造志心稱念
大慈延壽天尊不可思議功德

道門科範大全集卷之四十八

三十一

二十